



文選正文

山子點

3

~16
3275
3



~16
3275
3

嶮慮

昭和29年5月6日
今日午4代
奇

文選正文卷之二

賦類

吳都賦

左思

東吳王孫驥然而哈曰夫上圖景宿辨於天文者也下料物
土析於地理者也古先帝世曾覽八紘之洪緒一六合而光
宅翔集遐宇鳥策象素玉牒石記焉聞梁岷有陟方之館行
宮之基歟而吾子言蜀都之富禹同之有偉其區域美其林
藪矜巴漢之阻則以為襲險之右徇蹲鴟之沃則以為世濟
陽九離隄而算固亦曲土之所歎也旁鬼而論都邑抑非大
人之所壯觀也何則土壤不足以攝生山川不足以周衛公
孫國之而破諸葛家之而滅茲乃喪亂之丘墟顛覆之軌轍

天振盪汪流雷排重淵殷動宇宙胡可勝原島嶼絲邈洲渚
憑隆曠瞻迢遞迴眺冥蒙珍恠麗奇隙充徑路絕風雲通洪
桃屈盤丹桂灌叢瓊枝抗莖而敷葉珊瑚幽茂而玲瓏增岡
重阻列真之宇玉堂對靈石室相距藹藹翠幄嫋嫋素女江
婁於是往來海童於是宴語斯定神妙之饗象嗟難得而觀
纓爾乃地勢坱圠卉木妖蔓遭藪爲圃值林爲苑異苓蔭藟
夏擘冬禱方志所辯中州所羨草則藿蒺豆蔻薑藟非一江
離之屬海苔之類綸組紫絳食葛香茅石帆水松東風扶留
布護皇澤蟬聯陵丘負綠山嶽之岳羣歷江海之流抗白帶
銜朱鬚鬱兮菴茂擘兮非菲光色炫晃芬馥盼蠻職貢納其
包匭離騷詠其宿莽木則楓柙豫章枿欄枸榔綿杭柁櫨文

榲榎檀平仲君遷松梓古度楠栢之木相思之樹宗生高岡
族茂幽阜擢木下尋垂蔭萬畝攢柯挈莖重葩晻葉輪菌虬
蟠埤蠃鱗接榮色雜糅綢繆繡宵露霍霽旭日晡時與風
颿颿颿颿颿颿鳴條律暢飛音響亮蓋象琴筑并奏笙竽俱
唱其上則有猿父哀吟獬子長嘯狄鹿猓然騰越飛超爭懸
接垂競遊遠枝驚透沸亂牢落輦散其下則有梟卒鷹狼猓
獠羆象於菟之族犀兕之黨鈎爪鋸牙自成鋒穎精若曜星
聲若雷霆名載於山經形鏤於夏鼎其竹則篔簹林筵桂箭
射筒柚栝有篁篔簹有叢苞筍抽節往往縈結綠葉翠莖冒
霜停雪楠蠹森萃蒼茸蕭瑟檀欒婢娟玉潤碧鮮梢雲無以
踰嶰谷弗能連鸞鷲食其實鷓雛擾其間其果則丹橘餘甘

荔枝之林檳榔無柯。椰葉無陰。龍眼檄欖。探栢御霜。結根比
景之陰。列挺衡山之陽。素花斐丹。秀芳臨青壁。係紫房。鷓鴣
南翥。而中畱孔雀。絳羽而翱翔。山雞歸飛。而來棲。翡翠列巢。
以重行。其琛賂。則琨瑤之阜。銅錯之根。火齊之寶。駭鷄之珍。
頽丹明。幾金華。銀樸紫貝。流黃縹碧。素玉隱賑。歲襲雜。插幽
屏。精曜潛穎。若陟山谷。碣岸爲之。不枯。林木爲之。潤黷。隨侯
於是鄙其夜光。宋王於是陋其結綠。其荒陬。譎詭。則有龍穴
內蒸。雲雨所儲。陵鯉若獸。浮石若桴。雙則比日。片則王餘。窮
陸飲木。極沈水居。泉室潛織。而卷綃。淵客慷慨。而泣珠。開北
戶。以向日。齊南冥。於幽都。其四野。則吟嘜。無數膏腴。兼倍原
隰。殊品宸隆。異等象耕。鳥耘。此之自與。稽秀。菽穗。於是乎在。

煮海爲鹽。採山鑄錢。國稅再熟之稻。鄉貢八蠶之綿。徒觀其
郊隧之內。與都邑之綱紀。霸王之所根柢。開國之所基址。郭
周匝。重城結。隅通門二八。水道陸衢。所以經始。用累千祀。
也。憲紫宮以營室。廓廣庭之漫漫。寒暑隔闕。於邃宇。虹蜺廻
帶。於雲館。所以跨時煥炳。萬里也。造姑蘇之高臺。臨四遠。而
特建帶潮汐之濬池。佩長洲之茂苑。窺東山之府。則瓌寶溢
目。觀海陵之倉。則紅粟流衍。起寢廟於武昌。作離宮於建業。
闡闔閭之所營。采夫差之遺法。抗神龍之華殿。施榮楯。而捷
獵。崇臨海之崔嵬。飾赤烏之曄曄。東西膠葛。南北崢嶸。房櫺
對橫。連閣相經。闌闌譎詭。異出奇名。左稱彎崎。右號臨。劓雕
鑿。鏤。紫瑣。青瑣。丹楹。圖以雲氣。畫以仙靈。雖茲宅之夸麗。曾未

足以少寧思比屋於傾宮畢結瑤而構瓊高闈有閤洞門方
軌朱闕雙立馳道如砥樹以青槐且以綠水玄蔭耽耽清流
臺臺列寺七里俠棟陽路屯營櫛比解署基布橫塘查下邑
屋隆夸長干延屬飛甍舛互其居則有高門鼎貴魁岸豪傑
虞魏之昆顧陸之裔岐嶷繼體老成奕世躍馬疊跡朱輪累
轍陳兵而歸蘭綺內設冠蓋雲蔭閭閻聞噓其隣則有任俠
之靡輕詠之客締交翩翩儂從奕奕出躡珠履動以千百里
讌巷飲飛觴舉白翹關扛鼎拊射壺博鄱陽暴謔中酒而作
於是樂只衍而歡飮無價都輦殷而四輿來暨水浮陸行方
舟結駟唱棹轉轂昧且永日開市朝而普納橫闔闐而流溢
混品物而同塵并都鄙而爲一士女佇聆工賈駢坐紵衣絺

服雜沓從萃輕輿按轡以經隧樓船舉颿而過肆果布輻湊
而常然致遠流離與珂玳縷賄紛紜器用萬端金鎰磊珂珠
駉闌干桃笙象簞鞞於筒中蕉葛升越弱於羅紈澗嘉樂穆
交質相競諠譁嗶呶芬葩蔭映揮袖風飄而紅塵晝昏流汗
霏霏而中達泥濘富中之吐貨殖之選乘時射利財豐巨萬
競其區宇則并疆兼巷矜其宴居則珠服玉饌趨村悍壯此
焉比廬捷若慶忌勇若專諸危冠而出疎劍而趨扈帶鮫函
扶掄屬鏤藏鏹於人去戲自閭家有鶴膝戶有犀渠軍容蓄
用器械兼儲吳鉤越棘純鈎湛盧戎車盈於石城戈船掩於
江湖露往霜來日月其除草木節解鳥獸膺膚觀鷹隼誠征
夫坐組甲建祀姑命官帥而擁鐸將校獵乎具區烏滸狼臙

夫南西屠僂耳黑齒之酋。金鄰象郡之渠。羸駭。商。故。雪。驚。
捷先驅前途。俞騎騁路指南司方。出車輦。輦。被練鏘鏘。吳王
乃巾玉輅。輅。輅。驪。旗。魚。須。常。重。光。攝。烏。號。佩。干。將。羽。毛。揚。蕤。
雄戟耀。銳。貝。曹。象。弭。織。文。烏。章。六。軍。袍。服。四。騏。龍。驤。峭。格。周。
施。置。尉。普。張。畢。罕。瑣。結。良。蹕。連。綱。法。以。九。疑。禦。以。沅。湘。輪。軒。
蓼。擾。設。騎。燭。煌。祖。禘。徒。博。拔。距。投。石。之。部。猿。臂。駢。脅。狂。越。獷。
狻。鷹。麟。鸚。視。參。譚。狽。獾。若。離。若。合。者。相。與。騰。躍。乎。莽。賈。之。野。
干。鹵。交。鋌。賜。夷。勃。盧。之。旅。長。殺。短。兵。直。髮。馳。騁。儼。佻。坐。並。銜。
枚。無。聲。悠。悠。旆。旌。若。相。與。聊。浪。乎。昧。莫。之。坳。鉦。鼓。疊。山。火。烈。
燦。林。飛。燭。浮。煙。載。霞。載。陰。莊。擲。雷。碾。崩。縈。弛。岑。鳥。不。擇。木。獸。
不。擇。音。梟。魁。魘。頰。麋。麋。為。六。駭。追。飛。生。暉。鸞。鷁。射。狻。挺。白。雉。

落黑鳩零陵絕。嶮嶮聿越巉嶮。踰竹柏獺。獾。把。柵。封。狶。苑。
神螭掩剛。鏃。潤。霜。刃。染。於是。弭。節。頓。轡。齊。鑣。駐。驂。徘徊。倘。佯。
寓。日。幽。蔚。覽。將。帥。之。拳。勇。與。士。卒。之。抑。揚。羽。族。以。背。距。為。刀。
鉞。毛。羣。以。齒。肉。為。牙。鈇。皆。體。著。而。應。卒。所以。挂。挖。而。為。創。痛。
衝。躄。而。斷。筋。骨。莫。不。刃。銳。挫。鉞。拉。掉。摧。藏。雖。有。石。林。之。岸。嶮。
請。攘。臂。而。靡。之。雖。有。雄。虺。之。九。首。將。抗。足。以。毗。之。顛。覆。巢。居。
剖。破。窟。宅。仰。攀。鷁。鷁。俯。蹴。豺。獾。刮。削。熊。羆。之。室。剽。掠。虎。豹。之。
落。猩。猩。啼。而。就。擒。萬。萬。笑。而。被。格。屠。已。蛇。出。象。骼。斬。鵬。翼。掩。
廣。澤。輕。禽。狡。獸。周。章。夷。猶。狼。跋。乎。紕。中。忘。其。所。以。睠。賜。失。其。
所。以。去。就。覓。禡。氣。懾。而。自。賜。跌。者。應。弦。而。飲。羽。形。儂。景。僵。者。
累。積。而。增。益。雜。襲。錯。繆。傾。數。薄。倒。岬。岫。巖。穴。無。耕。縱。翳。蒼。無。

鷹鷂思假道於豐隆披重霄而高狩籠烏兔於日月窮飛走
之棲徂嶰澗閱爾帖童罾罟滿效獲衆如靶乎行曉觀漁乎
三江汎舟航於彭蠡渾萬艘而旣同弘舸連舳巨艦接艦飛
雲蓋海制非常模疊華樓而島峙時髮髯於方壺比鷁首之
有裕邁舳艫於往初張組帷構流蘇開軒幌鏡水區篙工楫
師選自閩粵習御長風狎翫靈胥責千里於寸陰聊先期而
須臾權謳唱簫籟鳴洪流響渚禽驚弋磻放稽鷁鳴虞機發
留鷓鴣鈎餌縱橫網罟接緒術兼詹公可傾任艾釜鮪鱠鱸
鱈鯊罩兩魴巢鯧鰕乘鸞鼉鼉同風共羅沈虎潛鹿馬籠倨
束徽鯨背中於羣犛機槍暴出而相屬雖復臨河而釣鯉無
異射鮒於井谷結輕舟而競逐迎潮水而振緝想萍實之復

彫訪靈夔於鮫人精衛銜石而遇繳文鯨夜飛而觸綸北山
亡其翔翼西海失其游鱗雕題之士鏤身之卒比飾虬龍蛟
螭與對簡其華質則虬費錦纈料其虬勇則鷗悍狼戾相與
昧潛險搜瓌奇摸螭蝟捫菁蠟剖巨蚌於回淵濯明月於漣
漪卑天下之至異訖無索而不臻谿壑爲之罄川瀆爲之
中貧西澹臺之見謀聊襲海而徇珍載漢女於後舟追晉賈
而同塵汨乘流以研宕翼颶風之颶颶直衝濤而上瀨常沛
沛以悠悠沆可休而凱歸揖天吳與陽侯指包山而爲期集
洞庭而淹留數軍實乎桂林之苑饗戎旅乎落星之樓置酒
若淮泗積肴若山丘飛輕軒而酌綠醪方雙轡而賦珍羞飲
烽起醜鼓震士遺倦衆懷忻幸乎館姓之宮張女樂而娛羣

臣羅金石與絲竹若鈞天之下陳登東歌操南音飢陽阿詠
韎任荆豔楚舞吳愉越吟翕習容裔靡靡愔愔若此者與夫
唱和之隆響動鐘磬之鏗聒有殷坻頽於前曲度難勝皆與
謠俗汁協律呂相應其奏樂也則水石潤色其吐哀也則
風暴興或超延露而駕辯或踰淥水而採菱軍馬弭髦而仰
秣淵魚竦鱗而上升酣滑半八音并歡情留良辰征魯陽揮
戈而高麾廻曜靈於太清將轉西日而再中齊既往之精誠
昔者夏后氏朝羣臣於茲土而執玉帛者以萬國蓋亦先王
之所高會而四方之所軌則春秋之際要盟之主闡閭申其
威夫差窮其武內果伍員之謀外騁孫子之奇勝彊楚於栢
舉棲勁越於會稽闕溝乎商魯爭長於黃池徒以江湖嶮陂

物產殷充繞雷未足言其固鄭白未足語其豐土有陷堅之
銳俗有節概之風睚眦則挺劍喙鳴則斲弓擁之者龍騰據
之者虎視麾城若振槁舉旗若顧指雖帶甲一朝而元功遠
致雖累葉百疊而富彊相繼樂消衍其方域列仙集其土地
桂艾練形而易色赤須蟬蛻而附麗中夏比焉畢世罕見丹
青圖其象珍瑋貴其實利也舜禹游焉沒齒而忘歸精靈匪
其山阿翫其奇麗剖判庶土商榷萬俗國有鬱鞅而顯敞邦
有湫阨而蹇踟伊茲都之函弘傾神州而鞞檣仰南斗以斟
酌兼二儀之優渥由此而揆之西蜀之於東吳小大之相絕
也亦猶棘林螢曜而與夫尋木龍燭也否泰之相背也亦猶
帝之懸解而與夫桎梏疏屬也庸可共世而論巨細同年而

議豐確乎。暨其幽遐獨遠。寥廓閒奧。耳目之所不該。足趾之所不蹈。倜儻之極異。崛詭之殊事。藏理於終古。而未寤於前覺也。若吾子之所傳。孟浪之遺言。略舉其梗概。而未得其要妙也。

魏都賦

魏國先生有昧其容。乃時衡而誥曰。昂乎交益之士。蓋音有楚夏者。土風之乖也。情有險易者。習俗之殊也。雖則生常固非自得之謂也。昔市南宜僚弄丸。而兩家之難解。聊爲吾子復飢德音。以釋一客競於辯囿也。夫太極剖判。造化權輿。體兼晝夜。理包清濁。流而爲江海。結而爲山嶽。列宿分其野。荒裔帶其隅。巖岡潭淵。限蠻隔夷。峻危之竅也。蠻陬夷落。譯導

而通者。鳥獸之氓也。正位居體者。以中夏爲喉舌。不以邊陲爲襟帶也。長世字乍者。以道德爲藩。不以襲險爲屏也。而子大夫之賢。尚弗曾庶。冀等威附麗。皇極思稟。止朔樂率。貢職而徒務於詭隨。匪民宴安於絕域。榮其文身。騎其險棘。繆默語之常倫。牽膠言而踰侈。飾華離以矜然。假僭疆而攘臂。非醇粹之方壯。謀踳駁於王義。孰愈尋靡。萃於中達。造冰猴於棘刺。劍閣雖寮。憑之者蹶。非所以深根固蒂也。洞庭雖濬。負之者北。非所以愛人治國也。彼桑榆之末光。踰長庚之初暉。沉河黃之爽塏。與江介之湫滄。故將誦子以神州之略。赤縣之畿。魏都之卓筭。六合之樞機。于時運距陽九。漢網絕維。姦回內蠱。兵纏紫微。翼翼京室。耽耽帝宇。巢焚原燎。變爲煨燼。

故荆棘旅庭殷殷。寰內繩繩。八區鋒鏑。縱橫化爲戰場。故麋鹿寓城也。伊洛榛曠。嶠函荒蕪。臨菑舊宰。洛鄆邱丘。墟而有魏開國之日。締構之初。萬邑譬焉。亦猶肇慶之與子都。培塿之與方壺也。且魏土者。畢昂之所應。虞夏之餘人。先王之桑梓。列聖之遺塵。考之四隈。則八埏之中。測之寒暑。則霜露所鈞。卜偃前識。而賞其隆。吳札聽歌。而美其風。雖則衰代。而盛德形於管絃。雖踰千祀。而懷舊蘊於遐年。爾其疆域。則旁極齊秦。結湊冀道。開胷殷衛。跨躡燕趙。山林幽峽。川澤廻縈。恒碣礧礧。於青霄。河汾浩渺。而皓漾南瞻。淇澳則綠竹純茂。北臨漳滏。則冬夏異沿。神鈺迢遞。於高巒。靈響時驚。於四表。溫泉必涌。而自浪華。清蕩邪而難老。墨井鹽池。玄滋素液。厥田

惟中。厥壤惟白。原隰訥訥。墳衍斥斥。或鬼壘而復陸。或漚助而拓落。乾坤交泰。而烟燭嘉祥。徽顯而豫作。是以兆朕。振古萌祗。疇昔藏氣。讖緯閎象。竹帛迺時。世而淵默。應期運而光赫。暨聖武之龍飛。肇受命而先宅。爰初自臻。言占其良。謀龜謀筮。亦旣允臧。修其郭郭。繕其城隍。經始之制。牢籠百王。畫雍豫之居。寫八都之宇。鑿茅茨於陶唐。察卑宮於夏禹。古公草創。而高門有闕。宣王中興。而築室百堵。兼聖哲之軌。并文質之狀。商豐約而折中。准當年而爲量。思重爰摹。大壯覽術。卿采蕭相。儔拱木於林衡。授全模於梓匠。遐邇悅豫。而子來工徒擬議。而騁巧闡鈎繩之筌緒。承二分之正要。揆日畧考。星耀建社。稷作清廟。築會宮以廻匝。比岡隩而無陂。造文昌

之廣殿極棟宇之弘規對若崇山巖起而崔嵬髣髴若玄雲舒
蜺以高垂瓌材巨世挿塼參差枌棟複結樂榭疊施丹梁虹
申以竝且朱栢森布而支離綺井列疏以懸蒂華蓮重葩而
倒披齊龍首而涌雷時梗概於滌池旅楹間列暉鑿挾振榱
題黠隼階階嶙峋長庭砥平鐘簾夾陳風無纖埃雨無微津
巖巖北闕南端攸遵竦峭雙碣方駕比輪西闕延秋東啓長
春用觀羣后觀享頌賓左則中朝有聽聽政作寢匪樸匪斲
去泰去甚木無雕鏤土無締錦玄化所甄國風所稟於前則
宣明顯陽順德崇禮重闈洞出鏘鏘濟濟珍樹猗猗奇卉萋
萋蕙風如熏甘露如醴禁臺省中連闈對廊直事所繇典刑
所藏藹藹列侍金朔齊光詰朝陪幄納言有章亞以柱後執

法內侍符節謁者典璽儲吏膳夫有官藥劑有司肴饌順時
媵理則浴於後則椒鶴文石永巷壺術欹梓木蘭次舍甲乙
西南其戶成之匪日丹青炳煥特有溫室儀刑宇宙曆象賢
聖圖以百端粹以藻詠茫茫終古此焉則鏡有虞作績茲亦
等競右則踈圃曲池下畹高堂蘭渚莓莓石瀨湯湯弱髮係
寶輕葉振芳奔龜躍魚有睟呂梁馳道周屈於果下延閣亂
宇以經營飛陛方輦而徑西三臺列峙而崢嶸亢陽臺於陰
基擬華山之削成一累棟而重雷下水室而沍冥周軒中天
丹墀臨森增構峩峩清塵影影雲雀踳蹙而矯首壯翼攜鏤
於青霄雷雨窈冥而未半曠日籠光於綺寮習步頓以升降
御春服而逍遙八極可圍於寸眸萬物可齊於一朝長途年

首豪微互。經畧漏肅。唱明宵有程。附以蘭鈞。宿以禁兵。司衛
閑邪。鈞陳罔驚。於是崇墉濬洫。嬰堞帶洙。四門轍轍。隆慶重
起。憑太清以混成。越埃壘而資始。邈邈標危。亭亭峻峙。臨焦
原而弗悅。誰勁捷而無怨。與岡岑而永固。非有期乎世祀。陽
靈停曜於其表。陰祇濛霧於其裏。苑以玄武。陪以幽林。綠垣
開。圍觀宇相臨。碩果灌叢。園木踈。尋篁篠。懷風蒲。桃結陰回
淵。灌積水深。兼葭贊。萑蕪森。丹藕凌波而的。礫綠芰泛濤而
浸潭。羽翮頤頤。鱗介浮沈。栖者擇木。雉者擇音。若咆渤澥。與
姑餘常鳴鶴。而在陰表。清籟勒虞箴。思國卹忘從禽。燕蘇往
而無忌。卽鹿縱而匪禁。煤煤坳野奕奕。菡菡甘荼伊。蠢芒種
斯阜。西門漑其前。史起灌其後。澄流十二同源。異口蓄爲屯。

雲泄爲行。雨水澍稷稂。陸時稷黍。鞠鞠桑柘。油油麻紵。均田
畫疇。蕃廬錯列。薑芋充茂。桃李蔭翳。家安其所。而服美白悅。
邑屋相望。而隔踰突。世內則街衢輻湊。朱闕結隅。石柱飛梁。
出控漳渠。疏通溝以濱路。羅青槐以蔭塗。比滄浪而可濯。方
步欄而有踰。習習冠蓋。莘莘蒸徒。班白不提。行旅讓衢。設官
分職。管處署居。夾之以府寺。班之以里閭。其府寺則位副三
事。官踰六卿。太常之號。大理之名。厦屋一揆。華屏齊榮。肅肅
階闕。重門再扃。師尹爰止。毗世作楨。其閭閻則長壽吉陽。永
平思忠。亦有威里。寘宮之東。開出長者巷。苞諸公都護之堂。
殿居綺窻。興騎朝狼。蹠敝其中。營客館以周坊。飾賓侶之所
集。瑋豐樓之閉閤。起建安而首立。葺精幕室。房廡雜襲。劓劓

罔按正斷積習廣成之傳無以待豪街之邸不能及廓三市
而開塵籍平遠而九達班列肆以兼羅設闔闔以襟帶濟有
無之常偏距日中而畢會抗旗亭之豨辭侈所眺之博大自
隧轂擊連軫萬貫憑軾揮馬袖幕紛半一八方而混同極風
采之異觀質劑平而交易乃布貿而無算財以工化賄以商
通難得之貨此則不容器周用而長務物背竄而就攻不常
邪而豫買著馴致之醜曠白藏之藏富有無隄同賑大內控
引世資寶帙積帶琛幣充牣關石之所和均財賦之所底慎
燕弧盈庫而委勁冀馬填廐而駟駿至乎劫敵糺紛庶土罔
寧聖武興言將曜威靈介胄重襲旌旗躍莖弓挑解縶矛鉞
飄英三屬之甲纓胡之纓控弦簡發妙擬更羸齊被練而鉞

戈襲偏裝以讀列畢出征而中律執奇正以四伐碩畫精通
日無匪制推鋒積紀鉞氣彌銳三捷既晝亦月剋翦方
命吞滅咆咻雲撤叛換席卷虔劉稜威八紘荒阻率由洗兵
海島刷馬江洲振旅鞦韆反旆悠悠凱歸同飲疏爵普疇朝
無刃印國無費畱喪亂旣弭而能宴武人歸獸而去戰蕭斧
戢柯以柙刃虹旌攝麾以就卷斟洪範酌典憲觀所恒通其
變上垂拱而司契下緣督而自勸道來斯貴利往則賤囹圄
寂寥京庾流衍於是東鯁卽序西傾順軌荆南懷德朔北思
趨絲絲迥途驟山驟水襁負賚贄重譯貢篚髮首之豪錄耳
之傑服其荒服欽衽魏闕置酒文昌高張宿設其夜未遽庭
燎晰晰有客祁祁載華載裔岌岌冠縱纍纍辨髮清酌如濟

濁醪如河凍醴流澌溫酌躍波豐肴衍衍行庖皤皤情情醜
譙醜滑無譯延廣樂奏九成冠韶夏冒六英五莖備響起疑
震霆天宇駭地盧驚億若大帝之所興作一羸之所曾聆金
石絲竹之恒韻匏土革木之常調干戚羽旄之飾好清謳微
之要妙世業之所日用耳目之所聞覺雜糅紛錯兼該汜
鞞鞞所掌之音韎昧任禁之曲以娛四夷之君以睦八荒
革履故周禮於鞞鞞所掌之音韎昧任禁之曲以娛四夷之君以睦八荒
其官曰鞞鞞也

理秋御顯文武之壯觀邁梁騶之所著林不槎枿澤不伐天
斧折以時曾網以道德連木理仁挺芝草皓獸爲之育數丹
魚爲之生沼商雲翔龍澤馬于阜山圖其石川形其實莫黑
匪鳥三趾而來儀莫赤匪狐九尾而自擾嘉穎離合以尊尊
醴泉涌流而浩浩顯禎祥以曲成固觸物而兼造蓋亦明靈
之所酬酢休徵之所偉兆收收率土遷善罔價沐浴福應室
心醴粹餘糧栖畝而弗收頌聲載路而洋溢河洛開奧符命
用出翩翩黃鳥銜書來訊人謀所尊鬼謀所秩劉宗委馭異
其神器闕玉策於金勝案圖錄於石室考歷數之所在察五
德之所泄量寸旬涓吉日陟中壇卽帝位改正朔易服色繼
絕世修廢職徽幟以變器械以革顯仁翌明藏用玄默非言
厚行陶化染學讎技篆籀篇章卑覲優賢著於揚歷匪孽形
於親戚本枝別幹蕃屏皇家勇若任城才若東阿抗於則威
發秋霜擢翰則華縱春葩英詰雄豪佐命帝室相兼二八將
猛四七赫赫震震開務有謚故令斯民覩泰階之平可比屋

濁醪如河凍醴流澌溫耐躍波豐肴衍衍行庖皤皤情情醜
譙醜滑無譁延廣樂奏九成冠韶夏冒六英五莖備響起疑
震霆天宇駭地盧驚億若大帝之所興作一羸之所曾聆金
石絲竹之恒韻匏土革木之常調干戚羽旄之飾好清謳微
吟之要妙世業之所日用耳目之所聞覺雜糅紛錯兼該汜
博鞮屨所掌之音韎昧任禁之曲以娛四夷之君以睦八荒
之俗既苗旣狩爰遊爰豫籍田以禮動大閱以義舉備法駕
理秋御顯文武之壯觀邁梁騶之所著林不槎枿澤不伐天
斧折以時脣網以道德連木理仁挺芝草皓獸爲之育數丹
魚爲之生沼商雲翔龍澤馬丁阜山圖其石川形其寶莫黑
匪鳥三趾而來儀莫赤匪狐九尾而自擾嘉穎離合以尊尊

醴泉涌流而浩浩顯禎祥以曲成固觸物而兼造蓋亦明靈
之所酬酢休徵之所偉兆收收率土遷善罔匱沐浴福應宅
心醴粹餘糧栖畝而弗收頌聲載路而洋溢河洛開奧符命
用出翩翩黃鳥銜書來訊人謀所尊鬼謀所秩劉宗委馭異
其神器闕玉策於金勝案圖錄於石室考歷數之所在察五
德之所泄量寸旬涓吉日陟中壇卽帝位改正朔易服色繼
絕世修廢職微幟以變器械以革顯仁翌明藏用玄默非言
厚行陶化染學雋技篆籀篇章卑覲優賢著於揚歷匪藥形
於親戚本枝別幹蕃屏皇家勇若任城才若東阿抗於則威
發秋霜擢翰則華縱春葩英詰雄豪佐命帝室相兼一八將
猛四七赫赫震震開務有謚故今斯民覩泰階之平可比屋

而爲一算祀有紀天祿有終傳業禪祚高謝萬邦皇恩綽矣
帝德冲矣讓其天下臣至公矣榮操行之獨得超百王之庸
庸追百卷領與結繩瞻畱重華而比蹤尊盧赫胥羲農有熊
雖自以爲道洪化以爲隆世篤玄同奚遽不能與之踵武而
齊其風是故料其建國析其法度諮其考室議其舉厝復之
而無斁申之而有裕非疏糲之士所能精非鄙俚之言所能
具至於山川之偉詭物產之魁殊或名奇而見稱或實異而
可書生生之所常厚洵美之所不渝其中則有鴛鴦交谷虎
澗龍山掘鯉之淀蓋節之淵狶狶精衛銜木償怨常山平于
鉅鹿河間列真非一往往出焉昌容練色犢配眉連玄俗無
影木羽偶仙琴高沈水而不濡時乘赤鯉而周旋師門使火

以驗術故將去而林燔易陽壯容衛之稚質邯鄲躡步趙之
鳴瑟真定之黎故安之粟醇酎中山流酒十日淇沮之筍信
都之棗雍丘之梁涑流之稻錦繡襄邑羅綺朝歌絳纊房子
縑總清河若此之屬繁富夥够非可畢究是以抑而未罄也
蓋此物以錯辭述清都之間麗雖選言以簡章徒九復而遺
旨覽大易與春秋判殊隱而一致未上林之隳牆本前修以
作系其軍容弗犯信其果毅糾華綏戎以戴公室元勳配管
敬之績歌鐘析邦君之肆則魏絳之賢有令聞也間居隘巷
室邇心遐富仁寵義職競弗羅十乘爲之軾廬諸侯爲之止
戈則干木之德自解紛也貴非吾尊重士踰山親御監門謙
謙同軒擢秦起趙威振八蕃則信陵之名若蘭芬也英辯策

枯能濟其厄位加將相室際之策四海齊鋒一口所敵則張
儀張祿亦足云也推惟庸蜀與雒鵠同窠句吳與鼃鼃同穴
一自以爲禽鳥一自以爲魚鼈山阜猥積而崎嶇泉流迸集
而映咽隰壤瀝漏而沮如林藪石雷而蕪穢窮岫泄雲日月
恒翳宅土炳暑封疆障厲蔡芥螫刺昆蟲毒噬漢罪流禦秦
餘徒芻宵貌最陋稟質蓬脆巷無杆首里罕耆耄或雕髻而
左言或鏤膚而鑽髮或明發而耀歌或浮泳而卒歲風俗以
蚤慄爲燼人物以殘害爲藝威儀所不攝憲章所不綴由重
山之束阨因長川之裾勢距遠關以闕闔時高棟而陞制薄
戍繇畧無異蛛蝥之網弱卒瑣甲無異螳螂之衛與先代而
常然雖信險而勦絕揆既往之前跡卽將來之後轍成都迄

已傾覆建業則亦顛沛顧非累卵於疊碁焉至觀形而懷怛
權假日以餘榮比朝華而菴謁覽麥秀與黍離可作譎於吳
會先生之言未卒吳蜀二客矍然相顧睒焉失所有覲曹容
神藥形茹弛氣離坐快墨而謝曰僕黨清狂怵迫閩濮習蓼
蟲之忘辛翫進退之惟谷非常寐而無覺不覩皇輿之軌躅
過以汎剝之單惠歷執古之醇聽兼重性以貽終何辰光而
罔定先生玄識深頌靡測得聞上德之至感匪同憂於有聖
抑若春霆發響而驚蟄飛競潛龍浮景而幽泉高鏡雖星有
風雨之好人有異同之性庶覲部家與剝廬非蘇世而居正
且夫寒谷豐黍吹律以暖之也昏情爽曙箴規以顯之也雖
明珠兼寸尺璧有盈曜車二六三傾五城未若申錫典章之

爲遠也。亮曰：日不雙麗，世無兩帝。天經地緯，理有大歸。安得齊給守其小辯也哉。

甘泉賦 并序

揚雄

孝成帝時，客有薦雄，文似相如者。上方郊祀甘泉，泰畤汾陰，后土以求繼嗣，召雄待詔承明之庭。正月從上甘泉，還奏甘泉賦以風其辭曰：

惟漢十世，將郊上玄。定泰畤，擁神休，尊明號，同符三皇。錄功五帝，卹亂錫羨，拓迹開統。於是乃命羣僚，歷吉日，協靈辰，星陳而天行。詔招搖與太陰兮，伏鈎陳使當兵。屬堪輿以壁壘兮，指夔魑而扶輻。狂八神奔而警蹕兮，振殷軫而軍裝。蚩尤之倫帶干將而秉玉戚兮，飛蒙茸而走陸梁。齊總總以搏擗

其相膠轕兮，爰駭雲迅奮以方攘。駢羅列布鱗以雜沓兮，傑僂參差魚頰而鳥旂。翕赫宵霍，霧集而蒙合兮，中散照爛粲以成章。於是乘輿廼登，夫鳳凰兮，而翳華芝，駟蒼螭兮。六素虬螭畧蕤綖，濼序慘灑，帥爾陰閉，雪然陽開。騰清霄而軼浮景兮，夫何旛旒郵偃之旖旎也。流星旄以電燭兮，咸翠蓋而鸞旗屯萬騎於中營兮，方玉車之千乘。聲駢隱以陸離兮，輕先疾雷而馭遺風。臨高衍之崒嶮兮，超紆繡之清澄。登榑桑而狃天門兮，馳閭闔而入凌兢。是時未臻夫甘泉也，乃望通天之繹繹，下陰潛以慘惻兮，上洪紛而相錯。直嶢嶢以迨天兮，厥高慶而不可乎彌度。平原唐其壇漫兮，列新萋於林薄。攢并閭與菱括兮，紛被麗其亡鄂。崇丘陵之駸駸兮，深溝欽

巖而爲谷。遙遙離宮。般以相燭兮。封巒石關。迤靡乎連屬。於
是大廈雲。謫波詭。摧囀而成觀。仰矯首以高視兮。目瞑眊而
無見。正瀏濫以弘恠兮。指東西之漫漫。徒徊徊以徨徨兮。鬼
鬼眇眇而昏亂。據軫軒而周流兮。忽坱圠而無垠。翠玉樹之
青蔥兮。璧馬犀之璣珣。金人伉伉其承鐘。虛兮。崑巖巖其龍
鱗。揚光耀之燎燭兮。垂景炎之所所。配帝居之懸圃兮。象泰
壹之威神。洪臺崛其獨出兮。極北極之嶢嶢。列宿乃施於上
榮兮。日月纒經於杳杳。雷鬱律於巖窅兮。電倏忽於牆藩。鬼
魅不能自逮兮。半長途而下顛。歷倒景而絕飛梁兮。浮蛟螭
而徹天左。樓槍而右玄冥兮。前燦闕而後應門。蔭西海與幽
都兮。涌醴汨以生川。蛟龍連蜷於東厓兮。白虎敦圉乎崑崙。

覽膠流於高光兮。浴彷徨於西青。前殿崔巍兮。和氏玲瓏。抗
浮柱之飛椽兮。神莫莫而扶傾。閱閭闔其寥廓兮。似紫宮之
崢嶸。駢交錯而曼衍兮。崢嶸峗乎其相嬰。乘雲閣而上下兮。
紛蒙籠以混成。曳紅采之流離兮。颺翠氣之宛延。襲琤室與
傾宮兮。若登高眇遠。亡國肅乎臨淵。廻焱肆其礪駭兮。狻桂
椒而鬱移楊。香芬弗以穿窻兮。擊薄櫺而將榮。薌咲盼以楫
批兮。聲駢隱而歷鐘。排玉戶而颺金鋪兮。發蘭蕙與芎藭。帷
彌張其拂汨兮。稍暗暗而靚深。陰陽清濁穆羽相和兮。若夔
牙之調琴。般匪棄其劊劊兮。王繭投其鉤繩。雖方征僑與偃
佺兮。猶彷彿其若夢。於是事變物化。目駭耳回。蓋天子穆然
珍臺周館。琤題玉英。蠶蛸蠖濩之中。惟夫所以澄心清臆。儲

文選正文卷之二
精垂恩感動天地逆釐二神者乃搜述索偶臯伊之徒冠倫
魁能函甘棠之惠挾東征之意相與齊乎陽靈之宮靡薜荔
而爲席兮折瓊枝以爲芳翳清雲之流霞兮飲若木之露英
集乎禮神之囿登乎頌祇之堂建光耀之長旂兮昭華覆之
威威攀瑛璣而下視兮行遊日乎三危陳馭車於東阬兮肆
玉軼而下馳漂龍淵而還九垓兮窺地底而上迴風從從而
扶轄兮鸞鳳紛其銜蕤梁弱水之滌淡兮躡不周之逶迤想
西王母欣然而上壽兮屏玉女而却宓妃玉女亡所眺其清
矚兮宓妃曾不得施其娥眉方攬道德之精剛兮伴神明與
之爲資於是欽柴宗祈燎薰皇天臯搖泰壹舉洪頤樹靈旗
樵蒸焜土配黎四施東燭滄海西耀流沙北熿幽都南煬丹
厓玄贊鯀醪和曾泔淡盼蠻豐融懿懿芬芬姦感黃龍兮燦
訛碩麟選巫咸兮叫帝關開天庭兮延羣神儼暗藹兮降清
壇瑞穰穰兮委如山於是事畢功弘廻車而歸度三巒兮偃
棠梨天閭決兮地垠開八荒協兮萬國諧登長平兮雷鼓磬
天聲起兮勇士厲雲飛揚兮雨滂沛于胥德兮麗萬世亂曰
崇崇園丘隆隱天兮登降剌施單堊垣兮增宮參差駢嗟峨
兮嶸嶸嶸峒洞無厓兮上天之綽杳旭卉兮聖皇穆穆信厥
對兮徠祇郊禋神所依兮徘徊招搖靈棲遲兮輝光眩耀降
厥福兮子子孫孫長無極兮

籍田賦

潘岳

伊晉之四年正月丁未皇帝親率羣后籍於千畝之甸禮也

於是乃使甸師清畿野廬掃路封人遺宮掌舍設柝青壇蔚
其嶽立兮翠幕黝以雲布結崇基之靈址兮故四塗之廣阡
沃野墳腴膏壤平砥清洛濁渠引流激水遐汗繩直邇陌如
矢綫特服于縹軛兮紺轅綴於黛和儼儲駕於屢左兮俟萬
乘之躬履百僚先置位以職分自上下下具惟命臣襲春服
之萋萋兮接游車之麟麟微風生於輕幟兮纖埃起於朱輪
森奉璋以階列兮望皇軒而肅震若湛露之晞朝陽兮衆星
之拱北辰也於是前驅魚麗屬車鱗萃闔闔洞啟參塗方駟
常伯陪乘太僕秉轡后妃獻種程之種司農撰播殖之器挈
壺掌升降之節宮正設門閭之蹕天子乃御玉輦蔭華蓋衝
牙錚鎗綃紈絳練金根照耀以炯晃兮龍驤騰驤而沛艾表

朱玄於離坎飛青編於震兌中黃擘以發暉兮方綵紛其繁
會五輅鳴鑿九旗揚旒瓊鉞入藻雲罕晝藹簫管嘲啞以啾
嘈兮鼓鞀破隱以砰礚荀虞幾以軒翥兮洪鐘越乎區外震
震填填塵鷲連天以幸乎籍田蟬冕頰以灼灼兮碧色肅其
芊芊似夜光之剖荆璞兮若茂松之依山巔也於是我皇乃
降靈壇撫御耦游場染履洪縻在手三推而舍庶人終畝貴
賤以班或五或九于斯時也居靡都鄙民無華裔長幼雜選
以交集士女頌斌而成房被褐振裾垂髻總髻躡踵側肩倚
裳連袂黃塵爲之四合兮陽光爲之潛翳動容發音而觀者
莫不抃舞乎康衢謳吟乎聖世情欣樂乎昏作兮慮盡力乎
樹藝靡推督而常勤兮莫之課而自勵躬先勞以悅使兮豈

文選正文卷之二
嚴刑而猛制哉。有邑老田父。或進而稱曰。蓋損益隨時。理有常然。高以下爲基。民以食爲天。正其末者。端其本。善其後者。慎其先。夫九土之宜。弗任四人。之務不一。野有菜蔬之色。朝靡代耕之秩。無儲積以虞災。徒望歲以自畢。三季之衰。皆此物也。今聖上昧旦丕顯。夕惕若慄。圖置於豐。防儉於逸。欽哉。欽哉。惟穀之恤。展三時之弘務。致倉廩於盈溢。固堯湯之用。心而存救之要術也。若乃廟祧有事。祝宗諏日。簠簋普淖。則此之自實。縮鬯蕭茅。又於是乎出。黍稷馨香。旨酒嘉粟。宜其民和年登。而神降之吉也。古人有言曰。聖人之德。無以加於孝乎。夫孝者。天地之性。人之所由靈也。昔者明王以孝理天下。其或繼之者。鮮哉。希矣。逮我自晉。實光斯道。儀刑乎千萬。

國愛敬盡於祖考。故躬稼以供粢盛。所以致孝也。勸穡以足百姓。所以固本也。能本而孝。盛德大業至矣。哉此。役也。而二美具焉。不亦遠乎。不亦重乎。敢作頌曰。思樂句畿。薄採其茅。大君戾止。言籍其農。其農二推。萬方以祇。搆我公田。實及我私。我簠斯盛。我簋斯齊。我倉如陵。我庾如坻。念茲在茲。永言孝思。民力普存。祝史正辭。神祇攸歆。逸豫無期。一人有慶。兆民賴之。

子虛賦

司馬相如

楚使子虛使於齊。齊王悉發車騎。與使者出畋。畋罷。子虛過。詫烏有先生。亡是公存焉。坐定。烏有先生問曰。今日畋樂乎。子虛曰。樂獲多乎。曰。少。然則何樂。對曰。僕樂齊王之欲誇僕。

以車騎之衆而僕對以雲夢之事也。曰：可得聞乎？子虛曰：可。王駕車千乘，選徒萬騎，畋於海濱，列卒滿澤，罟網彌山，掩兔麟鹿，射麋脚麟，鷲於鹽浦，割鮮染輪，射中獲多，矜而自功，顧謂僕曰：楚亦有平原廣澤，遊獵之地，饒樂若此者乎？楚王之獵，孰與寡人乎？僕下車對曰：臣，楚國之鄙人也，幸得宿衛，十有餘年，時從出遊，遊於後園，覽於有無，然猶未能徧覩也。又焉足以言其外澤乎？齊王曰：雖然，略以子之所聞見而言之。僕對曰：唯唯。臣聞楚有七澤，嘗見其一，未覩其餘也。臣之所見，蓋特其小小者耳。名曰雲夢，雲夢者，方九百里，其中有山焉。其山則盤紆弗鬱，隆崇畢舉，岑峯參差，日月蔽虧，交錯糾紛，上干青雲，罷池陂陀，下屬江河。其土則丹青赭堊，望雌黃白。

垠，錫碧金銀，炭色炫燿，照爛龍鱗。其石則赤玉玫瑰，琳瑯昆吾，城玃玄厲，礪石砥砭。其東則有蕙圃，衡蘭芷若，芎藭菖蒲，芷薜蘼蕪，諸柘巴苴。其南則有平原廣澤，登降陁靡，案衍壇曼，緣以大江，限以巫山。其高燥則生歲柝苞荔，薛莎青蘋，其埤濕則生藏菘蒹葭，東籬雕胡，蓮藕菰蘆，菴蘭軒于，芡物居之，不可勝圖。其西則有涌泉清池，激水推移，外發芙蓉菱華，內隱鉅石白沙。其中則有神龜蛟鼉，瑇瑁鼈鼉。其北則有陰林巨樹，梗柎豫樟，桂椒木蘭，檠離朱楊，楸梨棗栗，橘柚芬芳。其上則有鷓鴣孔鸞，騰遠射干。其下則有白虎玄豹，蝮蛇狸狌，於於是乎。乃使專諸之倫，手格此獸。楚王乃駕馴駘之駟，乘雕玉之輿，靡魚鬣之橈，旃曳明月之珠旗，建干將之雄戟，左

烏號之雕弓。右夏服之勁箭。陽子驂乘。娥阿爲御。案節未舒。卽陵狡獸。蹙蚤蚤。駢距虛軼。野馬轉駒。駢乘遺風。射游騏。倏
眇情冽。雷動森至。星流霆擊。弓不虛發。中必決眦。洞胃達掖。
絕乎心繫。獲若雨獸。揜草蔽地。於是楚王乃弭節徘徊。翱翔
容與。覽乎陰林。觀壯士之暴怒。與猛獸之恐懼。微執受誅。殫
覩衆物之變態。於是鄭女曼姬。被阿緡。揜紵綺羅。垂霧
縠。襞積寒縐。紆徐委曲。鬱撓谿谷。紛紛袿袿。揚袍戍削。葦
垂膏扶輿。猗靡翕呶。萃蔡下縻。蘭蕙上拂。羽蓋錯翡翠之威。
粲繆繞玉綬。眇眇忽忽。若神仙之髮鬋。於是乃相與獠於蕙
圃。嬖姍勃萃。而七乎金隄。揜翡翠。射駿驥。微矰出。纖繳施。弋
白鷓。連鴛鴦。雙鷁下。玄鶴加息。而後發。游於清池。浮文鷁。揚

旌棧。張翠帷。建羽蓋。網瑋瑁。鉤紫貝。縱金鼓。吹鳴籟。榜人歌。
聲流喝。水蟲駭。波鴻沸。涌泉起。奔物會。礧石相擊。硠硠礧礧。
若雷霆之聲聞乎數百里之外。將息獠者。擊靈鼓。起烽燧。車
案行。騎就隊。繩乎淫淫。般乎齋齋。於是楚王乃登雲陽之臺。
泊乎無爲。淡乎自持。勺藥之和具。而後御之。不若大王終日
馳騁。曾不下輿。厨割輪焮。自以爲娛。臣竊觀之。齊殆不如於
是。齊王無以應僕也。烏有先生曰。是何言之過也。足下不遠
千里來。貺齊國。王悉發境內之士。備車騎之衆。與使者出畝。
乃欲戮力致獲。以娛左右。何名爲夸哉。問楚地之有無者。願
聞大國之風烈。先生之餘論也。今足下不稱楚王之德厚。而
盛推雲夢以爲高。奢言淫樂而顯侈靡。竊爲足下不取也。必

若所言固非楚國之美也。有而言之，是彰君之惡，無而言之，是害足下之信。彰君之惡而傷私義，二者無一可。而先生行之，必且輕於齊而累於楚矣。且齊東渚鉅，海南有琅邪，觀乎成山，射乎之罘，浮渤海，游孟諸，邪與肅慎為鄰，右以賜谷為界，秋田乎青丘，徬徨乎海外，吞若雲夢者八九，於其曾中，曾不帶芥，若乃儻瑰瑋，異方殊類，珍性鳥獸，萬端鱗鱗，充牣其中，不可勝記，禹不能名，禹不能計，然在諸侯之位，不敢言遊戲之樂，苑囿之大，先生又見客，是以王辭不復，何為無以應哉。

上林賦

司馬相如

亡。是公所然而笑曰：楚則失矣，而齊亦未為得也。夫使諸侯納貢者，非為財幣，所以述職也。封疆畫界者，非為守禦，所以禁淫也。今齊列為東藩，而外私肅慎，捐國踰限，越海而田，其於義固未可也。且夫二君之論，不務明君臣之義，正諸侯之禮，徒事爭遊戲之樂，苑囿之大，欲以奢侈相勝，荒淫相越，此不可以揚名發譽而適足以貶君自損也。且夫齊楚之事，又焉足道乎？君未覩夫巨麗也，獨不聞天子之上林乎？左蒼梧，右西極，丹水更其南，紫淵徑其北，終始灞澶，山人涇渭，豐鎬潦漓，紆餘委蛇，經營乎其內，蕩蕩乎八川分流，相背而異態，東西南北，馳騫往來，出乎椒丘之闕，行乎洲淤之浦，經乎桂林之中，過乎泱泱之壑，汨乎混流，順阿而下，赴隘阨之口，觸弩石，激堆埼，沸乎暴怒，洶湧彭湃，泝沸沓汨，偏側泌瀦，橫流

逆折轉騰激洑滂漉沉澆等隆雲撓宛渾膠蓋踰波趨汜蒞
涖下瀨批巖衝擁奔揚滯沛臨坻注壑灑瀉實墜沈沈隱隱
砰磅訇磕滂滂沍沍滄滄鼎沸馳波跳沫汙瀝漂疾悠遠長
懷寂漻無聲肆乎永歸然後灑漾潢漾安翔徐回膏乎瀉瀉
東注太湖行溢陂池於是乎蛟龍赤螭鮪鱓漸離鯢鱓鰓
禹禹鮒鯢捷鱗掉尾振鱗奮翼潛處乎浚巖魚鼈謹聲萬物
衆夥明月珠子的皪江靡蜀石黃磳水玉磊砢磷磷爛爛彩
色滌汗叢積乎其中鴻鵠鵠鴝鴛鴦屬玉交精旋目頰鶩庸
渠歲飛鳩盧羣浮乎其上沈淫泛濫隨風澹淡與波搖蕩掩
薄水渚喑啖菁藻咀嚼菱藕於是乎崇山轟轟龍從崔巍深
林巨木嶄巖參差九巖巖嶺南山峩峩巖隄甌錡摧萎岬崎

振溪通谷寒產溝瀆恰呀豁閉阜陵別鳴歲魄嘍鹿丘虛堀
擧隱嶙鬱巘登降陲靡陂池狎豸沈浴淫鬻散渙夷陸亭阜
千里靡不被築拊以綠蕙被以江蘼糝以薜蘿雜以畱夷布
結縷攢戾莎揭車蘅蘭橐本射干此薑蕞荷歲橙若蓀鮮支
黃礫蔣芋青蘋布濩閔澤延曼太原離靡廣衍應風披靡吐
芳揚烈郁郁菲菲衆香發越彤蠶布寫晡夢必弗於是乎周
覽泛觀續紛軋芴芒芒恍忽視之無端察之無涯日出東沼
入乎西陂其南則隆冬生長涌水躍波其獸則獮菴貌萃沈
牛麀麋赤首鬪題窮奇象犀其北則盛夏含凍裂地涉水揭
河其獸則麒麟角端駟駘橐駝蚤蚤驪騏驎驥驎於於是乎
離宮別館彌山跨谷高廊四注重坐曲閣華棖壁璫輦道纒

屬步欄周流。長途中宿。夷巖築堂。累臺增成。巖變洞房。俯杳
眇而無見。仰攀椽而捫天。奔星更於闐闐。宛虹拖於楯軒。青
龍蜿蜒於東廂。象輿宛暉於西清。靈囿燕於聞館。僊佺之倫
暴於南榮。醴泉涌於清室。通川過於中庭。盤石振崖。欽巖倚
傾。嗟峨嶮嶮。刻削崢嶸。玫瑰碧琳。珊瑚叢生。璿玉旁唐。玢幽
文鱗。赤瑕駁筆。雜甫其間。晁采琬琰。和氏出焉。於是平盧橘
夏熟。黃甘橙。檟枇杷。撚柿。柰厚朴。棗楊梅。櫻桃。蒲萄。隱
夫莫棟。荅選離支。羅乎後宮。列於北園。鮑丘陵。下平原。揚翠
葉。抗紫莖。發紅華。垂朱榮。煌煌扈扈。照耀鉅野。沙棠櫟。楮華
楓。杓櫨。雷落胥邪。仁頻。栢閭。欒檀木蘭。豫章女貞。長千仞。大
連抱。夸條直。暢實葉。後林。攢立叢倚。連卷欒佹。崔錯發。飢坑

衡開。柯垂條。扶疎落英。幡纒紛溶。箭蔘倚。狔從風。瀏莅卉。欵
蓋象金石之聲。管籥之音。傑池此虎。旋還乎後宮。雜襲系輯。
被山緣谷。循坂下隰。視之無端。究之無窮。於是乎玄猿素雌。
雖獲飛蠅。蛭蝟蠖。獠獠胡。毅蛻棲息乎其間。長嘯哀鳴。翩幡
互經。天蟠枝格。偃寒杪。顛踰絕梁。騰殊榛。捷垂條。掉希間。半
落陸離。爛熳遠遷。若此者。數百千處。娛游往來。宮宿館舍。庖
廚不徙。後宮不移。百官備具。於是乎背秋涉冬。天子校獵。乘
鏤象。六玉虬。拖蜺旌。靡雲旗。前皮軒。後道游。孫叔奉轡。衛公
參乘。扈從橫行。出乎四技之中。鼓嚴鑼。縱獠者。江河爲陸。秦
山爲櫓。車騎靄起。殷天動地。先後陸離。離散別追。淫淫裔裔。
緣陵流澤。雲布雨施。生貔豹。搏豺狼。手熊羆。足蹙羊。蒙鶡蘇

綉白虎被斑文跨野馬凌三峻之危下磧歷之坻徑峻赴險
越壑厲水椎飛廉弄獬豸格蝦蛤鋌猛氏霜駮射封豕箭
不苟害解脰陷腦弓不虛發應聲而倒於是乎乘輿弭節徘徊
翱翔往來睨部曲之進退覽將帥之變態然後浸淫促節
儵負遠去流離輕禽蹙履狡獸轉白鹿捷狡兔軼赤電遺光
耀追怪物出宇宙孽蕃弱滿白羽射游梟櫟飛遠擇肉而後
發先中而命處弦矢分藝殪仆然後揚節而上浮凌驚風歷
駭焱乘虛無與神俱躡玄鶴亂昆鷄道孔鸞促鷓鴣拂翳鳥
捎鳳凰捷鷓鴣拚焦朋道盡途殫迴車而還招搖乎僂佯降
集乎北紘率乎直指晡乎反鄉歷石關歷封巒過鳩鵲望露
寒下棠黎息宜春西馳宜曲濯鵠牛首登龍臺掩細柳觀士

大夫之勤略釣獵者之所得獲徒車之所輔轢步騎之所蹂
若人臣之所蹈籍與其窮極倦劫驚憚警伏不被創刃而死
者他他藉藉填坑滿谷掩平彌澤於是乎游戲懈怠置酒乎
顛天之臺張樂乎膠葛之寓撞千石之鐘立萬石之虞建翠
華之旗樹靈鼉之鼓奏陶唐氏之舞聽葛天氏之歌千人倡
萬人和山陵爲之震動川谷爲之蕩波巴淪宋蔡淮南于遮
支成顛歌族居遞奏金鼓迭起鏗鎗闐鞀洞心駭耳荆吳鄭
衛之聲韶濩武象之樂陰淫案衍之音鄢郢續紛激楚結風
俳優侏儒狄鞮之倡所以娛耳目樂心意者麗靡爛熳於前
靡曼美色於後若夫青琴宓妃之徒絕殊離俗妖冶媚都靚
粧刻飾便嬛綽約柔撓嫋嫋嫵媚纖弱曳獨繭之褊視眇閭

易以卹削便姍。繁屑與俗殊。服芬芳。漚鬱酷烈。淑郁皓齒。粲爛宜笑的。皦長眉連娟。微睇綿藐。色授覓典。心愉於側。於是酒中樂酣。天子芒然而思。似若有亡。曰嗟乎。此太奢侈。朕以覽聽餘間。無事棄日。順天道以殺伐。時休息於此。恐後葉靡麗。遂往而不返。非所以爲繼嗣。創業垂統也。於是乎乃解酒罷獵。而命有司曰。地可墾闢。悉爲農郊。以贍萌隸。頽牆填塹。使山澤之人得至焉。實陂池而勿禁。虛宮館而勿牝。發倉廩以救貧窮。補不足。恤鰥寡。存孤獨。出德號。省刑罰。改制度。易服色。革正朔。與天下爲更始。於是歷吉日。以齋戒。襲朝服。乘法駕。建華旗。鳴玉鑾。游乎六藝之囿。馳騫乎仁義之塗。覽觀春秋之林。射狸首。兼騶虞。弋玄鶴。舞干戚。載雲罕。揜羣雅。悲

伐檀。樂樂胥。修容乎禮園。翺翺乎書圃。述易道。放恠獸。登明堂。坐清廟。次羣臣。奏得失。四海之內。靡不受獲。於斯之時。天下大說。向風而聽。隨流而化。焯然興道。而遷義。刑錯而不用。德隆於三王。而功羨於五帝。若此。故獵乃可喜也。若夫終日馳騁。勞神苦形。罷車馬之用。抗士卒之精。費府庫之財。而無德厚之恩。務在獨樂。不顧衆庶。忘國家之政。貪雉兔之獲。則仁者不繇也。從此觀之。齊楚之事。豈不哀哉。地方不過千里。而囿居九百。是草木不得墾闢。而民無所食也。夫以諸侯之細。而樂萬乘之侈。僕恐百姓被其尤也。於是二子愀然改容。超若自失。逡巡避席。曰鄙人固陋。不知忌諱。乃今日見教。謹受命矣。

羽獵賦并序

楊雄

孝成帝時羽獵雄從以爲昔在二帝三王宮館臺榭沼池苑囿林麓藪澤財足以奉郊廟御賓客充庖廚而已不奪百姓膏腴國土桑柘之地女有餘布男有餘粟國家殷富上下交足故甘露零其庭醴泉流其唐鳳凰巢其樹黃龍游其沼麒麟臻其囿神爵棲其林昔者禹任益虞而上下和草木茂成湯好田而天下用足文王囿百里民以爲尚小齊宣王囿四十里民以爲泰大裕民之與奪民也武帝廣開上林東南至宜春鼎湖御宿昆吾旁南山西至長楊五柞北繞黃山濱渭而東周袤數百里穿昆明池象滇河營建章鳳闕神明駁娑漸臺太液象海水周流方丈瀛洲蓬萊遊觀侈靡窮妙極麗

雖頗割其三垂以贍齊民然至羽獵甲車戎馬器械儲侍禁籟所營尚泰奢靡誇詡非堯舜成湯文王三驅之意也又恐後世復修前好不折中以泉臺故聊因校獵賦以風之其辭曰或稱羲農豈或帝王之彌文哉論者云否各亦並時而得宜奚必同條而共貫則泰山之封焉得七十而有二儀是以創業垂統者俱不見其爽遐邇五三孰知其是非遂作頌曰麗哉神聖處於玄宮富既與地乎侔貴正與六乎比崇齊桓曾不足使扶轂楚嚴未足以爲驂乘狹三王之阨僻矯高舉而大興歷五帝之寥廓涉三皇之登闕建道德以爲師友仁義與之爲朋於是玄冬季月天地隆烈萬物構輿於內殂落於外帝將惟田于靈之囿開北垠受不周之制以終始顯

項玄冥之統乃詔虞人典澤東延昆赫西馳閭闔儲積共倚
戍卒夾道斬叢棘夷野草禦自汧渭經營鄠鎬章皇周流出
入日月天與地沓爾乃虎路三變以爲司馬圍經百里而爲
殿門外則正南極海邪界虞淵鴻濛沈茫碣以崇山營合圍
會然後先置乎白楊之南昆明靈沼之東賁育之倫蒙盾負
羽杖鏑鏑而羅者以萬計其餘荷垂天之軍張竟墜之罟靡
日月之朱竿曳彗星之飛旗青雲爲紛虹蜺爲綴屬乎崑崙
之墟渙若天星之羅浩如濤水之波泔泔與與前後要遮攬
槍爲闔明月爲候癸惑司命天弧發射鮮扁陸離駢衍佻路
徽車輕武鴻綢繞獵殷殷軫軫被陵緣坂窮賁極遠者相與
列乎高原之上羽騎營營分殊事續紛往來輻輳不絕若

光若滅者布乎青林之下於是天子乃以陽晁始出乎玄宮
撞鴻鐘建九旒六白虎載靈輿出尤妙轂蒙公先驅立歷天
之旗曳指星之旃霹靂烈缺吐火施鞭萃從沈淞淋漓廓落
戲八鎮而開關飛廉雲師吸噀瀟率鱗羅布列攢以龍翰啾
啾嗒嗒入西園以神光望平樂徑竹林蹂蕙圃踐蘭唐舉烽
烈火響者施技方馳千駟狡騎萬師虓虎之陳從橫膠轕焱
拉雷厲驥駢駘洶洶旭旭天動地岌羨漫千散蕭條數千
里之外若夫壯士忼慨殊鄉別趣東西南北騁嗜奔欲地蒼
豨跋犀犛蹶浮糜斷巨狴搏玄猿騰空虛距連卷踔天躡嬉
間間莫莫紛紛山谷爲之風焱林叢爲之生塵及至獲夷之
徒蹶松柏掌疾藜獵蒙籠麟輕飛履般首帶脩蛇鉤赤豹牽

象犀躡巖院。超唐陵。車騎雲會。登降聞藹。泰華爲旒。熊耳爲綬。木仆山還。漫若天外。儲與乎大浦。聊浪乎宇內。於是天清日晏。逢蒙列背。羿氏控弦。皇車幽暢。光純天地。望舒翹轡。翼乎徐至。於上蘭。移圍徙陣。浸淫楚部。曲隊堅重。各案行伍。壁壘天旋。神扶電擊。逢之則碎。近之則破。鳥不及飛。獸不得過。軍驚師駭。刮野掃地。及至罕車。飛揚武騎。聿皇蹈飛豹。霜噴陽。追天寶出。方應駟聲。擊流光野。盡山窮囊括。其雌雄沈沈溶溶。遙喙乎絃中。三軍茫然。窮穴闕與。曾觀夫剽禽之繼踰。犀兕之抵觸。熊羆之挈獲。虎豹之凌遽。徒角槍題注。賊竦驚怖。電亡鬼失。觸輻關。眩妄發。期中進退。履獲創。浮輪夷丘。累陵聚。於是禽殲。中良。州與集於靖。奠之館。以臨珍池。灌以

岐梁溢。以江河東。瞰目盡。西暢亡涯。隨味和氏。焯爍其岐。玉石譬金。眩耀青瑩。漢女水潛。恠物暗冥。不可殫形。玄鸞孔雀。翡翠垂榮。玉雉關關。鴻鴈嚶嚶。羣嬉乎其中。噍噍昆鳴。鳧鷖振鷺。上下砰礚。聲若雷霆。乃使文身之伎。水格鱗蟲。凌堅冰。犯嚴淵。探巖排綺。薄索蛟螭。陷獺獾。據鼉鼉。祛靈螭。入洞穴。出蒼梧。乘鉅鱗。騎鯨魚。浮彭蠡。目有虞方。推夜光之流離。剖明月之胎珠。鞭洛水之宓妃。餉屈原與彭胥。於茲乎鴻生鉅儒。俄軒冕。雜衣裳。修唐典。匡雅頌。揖讓於前。昭光振耀。響忽如神。仁聲惠於北狄。武誼動於南鄰。是以旃裘之王。胡貉之長。移珍來享。抗手稱臣。前入闡口。後陳廬山。羣公常伯。揚朱墨翟之徒。喟然竝稱。曰崇哉乎德。雖有唐虞大夏。成周之隆。

何以侈茲夫古之觀東嶽禪梁基舍此世也其誰與哉上猶謙讓而未俞也方將上獵三靈之流下決醴泉之滋發黃龍之穴窺鳳凰之巢臨麒麟之圃幸神雀之林奢雲夢侈孟諸非章華是靈臺罕徂離宮而輟觀遊土事不飾木功不雕蒸人乎農桑勸之以弗怠儕男女使莫違恐貧窮者不徧被洋溢之饒開禁苑散公儲創道德之園弘仁惠之虞馳弋乎神明之面覽觀乎羣臣之有亡放雉兔收罝罟糜鹿芻蕘與百姓共之蓋所以臻茲也於是醇洪鬱之德豐茂世之規加勞三皇勗勤五帝不亦至乎乃祇莊雍穆之徒立君臣之節崇賢聖之業未遑苑囿之麗遊獵之靡也因廻軫還衡背阿房反未央

長楊賦 并序

揚雄

明年上將大誇胡人以多禽獸秋命右扶風發民入南山西自褒斜東至弘農南陝漢中張羅網罝罟捕熊羆豪豬虎豹狔獾狐兔麋鹿載以檻車輸長楊射熊館以網爲周法縱禽獸其中令胡人手搏之自取其獲上親臨觀焉是時農民不得收歛雄從至射熊館還上長楊賦聊因筆墨之成文章故藉翰林以爲主人子墨爲客卿以諷其辭曰

子墨客卿問於翰林主人曰蓋聞聖王之養民也仁活而恩洽動不爲身今年獵長楊先命右扶風左太華而右褒斜極畷薛而爲弋紆南山以爲罝羅千乘於林莽列萬騎於山隅帥軍踣陸錫戎獲胡搃熊羆拖豪豬木擁槍繫以爲儲晉此

天下之窮覽極觀也。雖然亦頗擾于農人。三句有餘其塵至矣。而功不圖恐不識者外之。則以爲娛樂之游內之。則不以爲乾豆之事。豈爲民乎哉。且人君以玄默爲神澹泊爲德。今樂遠出以露威靈。數搖動以疲車甲。本非人主之急務。蒙竊惑焉。翰林主人曰。吁。客何謂茲邪。若客所謂。知其未覩其二。見其外不識其內也。僕嘗倦談不能一一其詳。請略舉其凡。而客自覽其切焉。客曰。唯唯。主人曰。昔有彊秦封豕其土。寔滋其民。鑿齒之徒相與磨牙而爭之。豪俊麀沸雲擾羣黎。爲之不康。於是上帝眷顧高祖。高祖奉命順斗極。運天關。橫巨海。漂崑崙。提劍而叱之。所過麾城擲邑。下將降旗。一日之戰不可殫記。當此之勤。頭蓬不暇梳。饑不及餐。鞞釜生蟣。蝨

介冑被霑汗。以爲萬姓請命乎皇天。乃展民之所屈。振民之所乏。規億載恢帝業。七年之間。而天下密如也。逮至聖文。隨風乘流。方垂意於至寧。躬服節儉。綈衣不弊。革鞜不穿。大廈不居。木器無文。於是後宮賤瑇瑁。而疏珠璣。却翡翠之飾。除雕琢之巧。惡麗靡而不近。斥芬芳而不御。抑止絲竹宴衍之樂。憎聞鄭衛幼眇之聲。是以玉衡正而太階平也。其後獯鬻作虐。東夷橫叛。羌戎睚眦。閩越相亂。遐氓爲之不安。中國蒙被其難。於是聖武勃怒。爰整其旅。乃命驃衛。紛紜沸渭。雲合電發。森騰波流。機駭蠶軼。疾如奔星。擊如震霆。碎輜輶。破穹廬。腦沙幕。髓余吾。遂躡乎王庭。驅橐駝。燒燔蠶。分勢單于。磔裂屬國。夷阬谷。拔鹵莽。刊山石。蹂屍輿。斯係累老弱。吮鋌瘡。

者金鏃淫夷者數十萬人皆稽顙樹頌扶服蛾伏二十餘年矣尚不敢惕息夫天兵四臨幽都先加迴戈邪指南越相夷靡節西征羌楚東馳是以遐方疏俗殊鄰絕黨之域自上仁所不化茂德所不綏莫不躡足抗首請獻厥珍使海內澹然永亡邊城之災金革之患今朝廷純仁遵道顯義并包書林聖風雲靡英華沈浮洋溢八區普天所覆莫不沾濡士有不談王道者則樵夫笑之意者以爲事罔隆而不殺物靡盛而不虧故平不肆險安不忘危乃時以有年出兵整輿竦戎振師五柝習馬長楊簡力狡獸投武票禽乃萃然登南山瞰烏弋西厭月躡東震日域又恐後代迷於一時之事常以此爲國家之大務淫荒田獵陵夷而不禦也是以車不安軻日未

靡旃從者彷彿散屬而還亦所以奉太尊之烈遵文武之度復三王之田反五帝之虞使農不輟耨工不下機婚姻以時男女莫違出愷悌行簡易矜劬勞休力役見百年存孤弱帥與之同苦樂然後陳鐘鼓之樂鳴鞀磬之和建碣磬之虞夏擊鳴球掉八列之舞酌允鑠肴樂管聽廟中之雍雍受神人之福祐歌投頌吹合雅其勤若此故真神之所勞也方將俟元符以禪梁父之基增泰山之高延光于將來比榮乎往號豈徒欲淫覽浮觀馳騁秣稻之地周流梨栗之林蹂踐芻蕘誇詡衆庶盛狃獲之收多麋鹿之獲哉且盲者不見咫尺而離婁燭千里之隅客徒愛胡人之獲我禽獸曾不知我亦已獲其王侯言未卒墨客降席再拜稽首曰大哉體乎允非小

人之所能及也。乃今日發矇廓然已昭矣。

射雉賦 并序

潘岳

余徙家于琅邪。其俗實善射。聊以講肄之餘暇。而習媒翳之事。遂樂而賦之也。

涉青林以游覽兮。樂羽族之羣飛。聿采毛之英麗兮。有五色之名翬。厲耿介之專心兮。多雄豔之姍姿。巡丘陵以經畧兮。畫墳衍而分畿。於是青陽告謝。朱明肇授。靡木不滋。無草不茂。初葦蔚其曜新。陳柯撼以改舊。天泱泱以垂雲。泉涓涓而吐溜。麥漸漸以擢芒。雉鷩鷩而朝雉。眇箱籠以揭驕。睨曉媒之變態。奮勁散以角槎。麟悍目以旁睨。鶯綺翼而頰搥。灼繡頸而袞背。鬱軒翥以餘怒。思長鳴以效能。爾乃濼場拄翳。停

僮蔥翠。綠栢參差。文翻鱗次。蕭森繁茂。宛轉輕利。衷料戾以徹鑿。表厭躡以密緻。恐吾游之晏起。慮原禽之罕至。甘疲心於企想。分倦目以寓視。何調翰之喬桀。邈疇類而殊才。候扇舉而清叫。野聞聲而應媒。襄微罟以長眺。已踉蹌而徐來。攜朱冠之葩赫。敷藻翰之陪颺。首葍綠素。身批黼繪。青鞵莎靡。丹臆蘭絳。或蹶或豕。時行時止。斑尾揚翹。雙角特起。良遊呢嚙。引之規裏。應叱愕立。擢身竦峙。捧黃間以密鼓。屬剛柱以潛擬。倒禽紛以迸落。機聲振而未已。山鷲悍害。森迅已甚。越壑凌岑。飛鳴薄廩。鯨牙低鏃。心平望審。毛體摧落。霍若碎錦。逸羣之雉。擅場挾兩。櫟雌妬異。倏來忽往。忌上風之養切。畏映日之儻朗。屏發布而累息。徒心煩而伎憊。伊義鳥之應敵。

嗽攫地以厲響。彼聆音而逕進。忽交距以接壤。形盈窻以美發。紛首頽而臆仰。或乃崇墳夷靡。農不易龍。穉菽叢糝。翳蒼葦。鳴雄振羽。依於其冢。捫降丘以馳敵。雖形隱而草動。瞻挺穟之傾掉。意洽躍以振踊。嗽出苗以入場。愈情駭而神悚。望鷹合而翳晶。雉腴肩而旋踵。飲余志之精銳。擬青巖而點項。亦有日不步體。邪眺旁剔。靡聞而驚無見。自鷲周環。迴復繚繞。盤辟戾翳。旋把繁隨。所歷行于中。輟馥焉中。鎬前刺重膺。傍截疊翮。若夫多疑少決。膽劣心狷。內無固守。出不交戰。來若處子。去如激電。闕閭蕪葉。慎歷乍見。於是算分銖商。遠邇揆懸。刀騁絕伎。如軒不高。不埤當味。值胷裂膝。破齒夷險。殊地馴麤。異變具不暇食。夕不告勅。昔賈氏之如臯。始

解顏於一箭。醜夫爲之改貌。憾妻爲之釋怨。彼遊田之致獲。咸乘危以馳驚。何斯藝之安逸。嗟禽從其已。豫清道而行擇。地而住尾飾。鑣而在服。肉登俎而永御。豈惟阜隸。此焉君舉。若乃耽盤流遁。放心不移。忘其身恤。司其雄雌。樂而無節。端操或虧。此則老氏之所誡。而君子之所不爲。

北征賦

班彪

余遭世之顛覆。兮罹填塞之阨災。舊室滅以丘墟。兮曾不得乎少畱。遂奮袂以北征。兮超絕迹而遠遊。朝發軔於長都兮。夕宿瓠谷之玄宮。歷雲門而反顧。望通天之崇崇。乘陵岡以登降。息郁邪之邑鄉。慕公劉之遺德。及行葦之不傷。彼何生之優渥。我獨離此百殃。故時會之變化兮。非天命之靡常。登

赤須之長坂。入義渠之舊城。忿戎王之淫狡。穢宣后之失貞。
嘉秦昭之計賊。赫斯怒以北征。紛吾去此舊都兮。駢遲遲以
歷茲。遂舒節以遠逝。指安定以爲期。涉長路之縣縣兮。遠紆
回以膠流。過泥陽而大息。悲祖廟之不修。釋余馬於彭陽兮。
且弭節而自思。日晡晡其將暮兮。覩牛羊之下來。寤怨曠之
傷情兮。哀詩人之歎時。越安定以容與兮。遵長城之漫漫。劇
蒙公之疲民兮。爲彊秦乎築怨。捨高亥之切憂兮。事蠻狄之
遜患。不耀德以綏遠兮。顧厚固而繕藩。首身分而不寤兮。猶
數功而辭誓。何夫子之妄說兮。孰云地脈而生殘。登障隧而
遙望兮。聊須臾以婆娑。閔德馨之猶復兮。弔尉佗於朝那。從
聖文之克讓兮。不勞師而幣加惠。父兄於南越兮。黜帝號於

尉佗。降几杖於藩國兮。折吳淠之逆邪。惟太宗之蕩蕩兮。豈
曩秦之所圖。濟高平而周覽兮。望山谷之嵯峨。野蕭條以莽
蕩。迥千里而無家。風森發以飄飄兮。谷水灌以揚波。飛雲霧
之杳杳。涉積雪之皚皚。鴈鴛以羣翔兮。鷓鴣鳴以嘒嘒。遊
子悲其故鄉兮。心愴恨以傷懷。撫長劔以慨息兮。泣漣落而
霑衣。攬余涕以於邑兮。哀生民之多故。夫何陰曠之不陽兮。
嗟久失其平度。諒時運之所爲兮。永伊鬱其誰愬。亂曰。夫子
固窮遊藝文兮。樂以忘憂。惟聖賢兮。達人從事有儀則兮。行
止屈申與時息兮。君子履信無不居兮。雖之蠻貊何憂懼兮。

東征賦

曹昭

惟永初之有七兮。余隨子兮東征。時孟春之吉日兮。撰良辰

而將行乃舉趾而升輿兮。夕予宿乎偃師。遂去故而就新兮。
志愴悵而懷悲。明發曙而不寐兮。心遲遲而有違。酌樽酒以
弛念兮。喟抑情而自非。諒不登巢而琢蠶兮。得不陳力而相
追。且從衆而就列兮。聽天命之所歸。遵通衢之大道兮。求捷
徑欲從誰。乃遂往而徂逝兮。聊遊目而邀龜。歷七邑而觀覽
兮。遭鞏縣之多艱。望河洛之交流兮。看成臯之旋門。既免脫
於峻嶮兮。歷滎陽而過武卷。食原武以息足。宿陽武之桑間。
涉封丘而踐路。慕京師而竊歎。小人性之懷土兮。自書傳而
有焉。遂進道而少前兮。得平丘之北邊。入匡郭而追遠兮。念
夫子之厄勤。彼衰亂之無道兮。乃困畏乎聖人。張容與而久
駐兮。忘日夕而將昏。到長垣之境界。察農野之居民。睹蒲城

之丘墟兮。生荆棘之榛榛。惕覺悟而顧問兮。想子路之威神。
衛人嘉其勇義兮。迄於今而稱云。蘧氏在城之東南兮。民亦
尚其丘墳。唯令德爲不朽兮。身旣歿而名存。惟經典之所美
兮。貴道德與仁賢。吳札稱多君子兮。其言信而有徵。後衰微
而遭患兮。遂陵遲而不興。知性命之在天。由久行而近仁。勉
仰高而蹈景。盡忠恕而與人好。正直而不回兮。精誠通於明
神。庶靈祇之鑒照兮。祐貞良而輔信。亂曰。君子之思必成文
兮。蓋各言志。慕古人兮。先君行止。則有作兮。雖其不敏。敢不
法兮。貴賤貧富不可求兮。正身履道。以俟時兮。修短之運。愚
智同兮。靖恭委命。唯吉凶兮。敬慎無怠。思曠約兮。清靜少欲。
師公綽兮。

西征賦

潘岳

歲次玄枵月旅蕤賓丙子統日乙未御辰潘子愬軼西征自
京徂秦迺喟然歎曰古往今來邈矣悠哉寥廓忽恍化一氣
而甄三才此三才者天地人道唯生與位謂之大寶生有修
短之命位有通塞之遇鬼神莫之與聖智弗能豫當休明之
盛世兮託非薄之陋質納旌弓於鉞台讚庶績於帝室嗟鄙
夫之常累固既得而患失無柳季之直道佐士師而黜武
皇忽其升遐八音遏於四海天子寢於諒闇兮百官聽於冢
宰彼負荷之殊重兮雖伊周其猶始窺七貴於漢庭請一姓
之或在無危明以安位祗居逼以示尊陷亂逆以受戮匪降
禍之自天孔隨時以行藏遽與國而舒卷苟蔽微以繆章患

過辟之未遠悟山潛之逸士卓長往而不反陋吾人之拘羣
飄萍浮而蓬轉察位儻其隆替名節准以墮落危素卵之累
殼甚玄鷲之巢慕心戰懼以兢悚如臨深而履薄夕獲歸於
都外宵未中而難作匪擇木以棲集黜林焚而鳥存遭千載
之嘉會皇合德於乾坤弛秋霜之嚴威流春澤之渥恩甄大
義以明責反初服於私門皇鑒揆余之忠誠俄命余以末班
牧疲人於西夏攜老幼而入關丘去魯而顧歎季過沛而涕
零伊故鄉之可懷疚聖達之幽情矧匹夫之安土邈投身於
鎬京猶太馬之戀主竊託慕於闕庭眷輦洛而掩涕思纏絲
於墳塋爾乃越平樂過街郵秣馬臯門稅駕西周遠矣如德
興自高辛思文后稷厥初生民率西水澍化流岐幽祚隆昌

發舊邦維新旋牧野而歷茲愈守柔以執競夜申旦而不寐
憂天保之未定惟泰山其猶危祀八百而餘慶鑿亡王之驕
淫竄南巢以投命坐積薪以待然方指日而比盛人度量之
乖外何相越之遼迥考士中于斯邑成建都而營築既定鼎
于郊廓遂鑽龜而啓繇平失道而來遷繫一國而是祐豈時
王之無僻賴先哲以長懋望留北之兩門感號鄭之納惠討
子頽之樂禍尤闕西之效戾重戮帶以定襄弘大順以霸世
靈壅川以止鬪晉演義以獻說各景悼以迄巧政凌遲而彌
季俾庶朝之構逆歷兩王而千位踰十葉以逮赧邦分崩而
爲竟橫噬於虎口輸文武之神器澡孝水而濯纓嘉善名
而在茲天赤子於新安坎路側而瘞之亭有千秋之號千無

七旬之期雖勉勵於延吳實憊慟乎余慈躬山川以懷古悵
攬轡於中途虐項氏之肆暴坑降卒之無辜激秦人以歸德
成劉后之來蘇事河汭而奸還卒宗滅而身屠經渾池而長
想停余車而不進秦虎狼之疆國趙侵弱之餘燼超入險而
高會杖命世之英藺耻東瑟之偏鼓提西缶而接刃辱十城
之虛壽奄咸陽以取雋出申威於河外何猛氣之咆勃入屈
節於廉公若四體之無骨處智勇之淵僻方鄙吝之忿憤雖
改日而易歲無等級以寄言當光武之蒙塵致王誅于赤眉
異奉辭以伐罪初垂翅于邈谿不尤恃以掩德終奮翼而高
揮建佐命之元勳振皇綱而更維登峭坂之威夷仰崇嶺之
嵯峨臯託墳於南陵文違風於北阿蹇哭孟以審敗襄墨纒

而授戈會隻輪之不反練三帥以濟河值庸主之冷懷殆肆
叔於朝市任好絳其餘裕獨引過以歸已明三敗而不黜卒
陵晉以雪耻豈虛名之可立良致霸其有以降曲峭而隣號
託與國於亡虞貪誘賂以賣鄰不及臘而就拘垂棘反於故
府屈產服于晉輿德不建而民無援仲雍之祀忽諸我祖安
陽言陟陝郭行乎漫瀆之口憇乎曹陽之墟美哉魏平茲土
之舊也固乃周邵之所分二南之所交麟趾信於關雎騶虞
應乎鵲巢愍漢氏之剝亂朝流亡以離析卓滔天以大滌劫
宮廟而遷迹俾萬乘之盛尊降遙思於征役顧請旋於催汜
既獲許而中惕追皇駕而驟戰望玉輅而縱銷痛百寮之勤
王咸畢力以致死分身首於鋒刃洞胷腋以流矢有褰裳以

投岸或攘袂以赴水傷桴楫之漏小撮舟中之掬指升曲沃
而惆悵惜兆亂而兄替枝末大而本披都偶國而禍結臧札
飄其高厲委曹吳而成節何莊武之無耻徒利開而義閉躡
函谷之重阻看天險之衿帶跡諸侯之勇怯算嬴氏之利害
或開關以延敵競遁逃以奔竄有禁門而莫啓不窺兵於山
外連雞互而不棲小國合而成大豈地勢之安危信人事之
否泰漢六葉而拓畿縣弘農而遠關厭紫極之閑敞甘微行
以遊盤長傲賓於柏谷妻觀貌而獻餐疇匹婦其已秦胡厥
夫之謬官昔明王之巡幸固清道而後往懼銜縶之或變峻
徒御以誅賞彼白龍之魚服挂豫且之密網輕帝重丁天下
奚斯漸之可長弔良園於湖邑諒遭世之巫蠱探隱伏於難

明委讒賊之趙虜。加顯戮於儲貳。絕臙膚而不顧。作歸來之
悲臺。徒望思其何補。紛吾既邁。此全節又繼。之以盤桓。問休
牛之故林。感徵名於桃園。發閔鄉而警策。迎黃巷以濟潼。眺
華岳之陰崖。覲高掌之遺蹤。憶江使之反壁。告亡期於祖龍。
不語怪以徵異。我聞之於孔公。慍韓馬之大憝。阻關谷以稱
亂。魏武赫以霆震。奉義辭以伐叛。彼雖奴其焉。用故制勝於
廟算。碎揚桴以振塵。縑瓦解而冰泮。超遂遁而奔狄。甲卒化
爲京觀。倦狹路之迫隘。軌崎嶇以低仰。蹈秦郊而始闢。豁爽
塏以宏壯。黃壤千里。沃野彌望。華實紛敷。桑麻條暢。邪界窳
斜。右濱汧隴。寶雞前鳴。甘泉後涌。面終南而背雲陽。跨平原
而連嶓冢。九峻巖薛。太一龍從。吐清風之膠戾。納歸雲之鬱

翁南有玄灞。素滌湯井溫谷。北有清渭濁涇。蘭池周曲。浪決
鄭白之渠。漕引淮海之粟。林茂有鄆之竹。山挺藍田之玉。班
述陸海珍藏。張敘神臯奧區。此西賓所以言於東主。安處所
以聽於憑虛也。可不謂然乎。勁松彰於歲寒。貞臣見於國危。
入鄭都而抵掌。義桓友之忠規。竭股肱於昏主。赴塗炭而不
移。世善職於司徒。緇衣弊而改爲履。犬戎之侵地。疾幽后之
詭惑。舉僞烽以沮眾。淫嬖衰以縱慝。軍敗戲水之上。身死鄜
山之北。赫赫宗周。威爲亡國。又有繼於此者。異哉秦始皇之
爲君也。傾天下以厚葬。自開闢而未聞。匠人勞而弗圖。俾生
埋以報勤。外離西楚之禍。內受牧豎之焚。語曰。行無禮必自
及。此非其效歟。乾坤以有親。可久。君子以厚德載物。觀夫漢

高之興也。非徒聰明神武。豁達大度而已也。乃實慎終追舊。篤誠款愛。澤靡不漸。恩無不逮。率土且猶弗遺。而況於鄰里乎。而況於卿士乎。于斯時也。乃摹寫舊豐。製造新邑。故社易置。粉楸遷立。街衢如一。庭宇相襲。渾雞犬以亂放。各識家而競入。籍舍怒於鴻門。沛跼踖而來。王范謀害而不許。陰授劍以約。莊搆白刃。以萬舞危。冬葉之待霜。履虎尾而不噬。實要伯於子房。樊抗憤以卮酒。咀彘肩以激揚。忽蛇變而龍據。雄霸上而高驤。曾遷怒而橫撞。碎玉斗其何傷。嬰胷組於軹塗。投素車而肉袒。疎飲餞於東都。畏極位之盛滿。金墉鬱其萬雉。峻嘖哨以繩直。戾飲馬之陽橋。踐宜平之清闕。都中雜遝。戶千人億。華夷士女。駢田逼側。展名京之初儀。卽新館而蒞。

職勵疲鈍。以臨朝。勗自彊而不息。於是孟秋爰謝。聽覽餘日。巡省農功。周行廬室。街里蕭條。邑居散逸。營宇寺署。肆塵管庫。蕞芮於城隅者。百不處一。所謂尚冠。修成。黃棘。宜明。建陽。昌陰。北渙。南平。皆夷漫滌蕩。亡其處而有其名。爾乃階長樂。登未央。汎太液。凌建章。縈駁娑而歛駘。盪轡於請而轆承光。徘徊桂宮。惆悵柏梁。雉鷓於臺。陂狐兔窟於殿傍。何黍苗之離離。而余思之。怳怳。洪鐘頓於毀廟。乘風廢而弗縣。禁省鞠爲茂草。金狄遷於霸川。懷夫蕭曹魏邴之相。辛李衛霍之將。銜使則蘇屬國。震遠則張博望。教敷而彝倫敘。兵舉而皇威暢。臨危而智勇奮。投命而高節亮。暨乎稔艾之忠。孝淳深。陸賈之優游。宴喜。長卿淵雲之文。子長政駿之史。趙張三王。

之尹京定國釋之之聽理汲長孺之正直鄭當時之推士終
童山東之英妙賈生洛陽之才子飛翠綵拖鳴玉以出入禁
門者眾矣或被髮左衽奮迅泥滓或從容傳會望表知裏或
著勲績而嬰時戮或有大才而無貴仕皆揚清風於上列垂
令聞而不已想珮聲之遺響若鐸鏘之在耳當音鳳恭顯之
任勢也乃熏灼四方震耀都鄙而死之日曾不得與夫十餘
公之徒隸齒名才難不其然乎望漸臺而扼腕梟巨猾而餘
怒揖不疑於北闕軾楞里於武庫酒池鑒於商辛追覆車而
不寤曲陽僭於白虎化奢淫而無度命有始而必終孰長生
而久視武雄畧其焉在近惑文成而溺五利侔造化以制作
窮山海之奧祕靈若翔於神島奔鯨浪而失水曝鱗骼於漫

沙隕明月以雙墜擢仙掌以承露于雲漢而于至致邛鉤其
奚難惟余欲而是恣縱逸遊於角觝絡甲乙以珠翠恐生民
之減半勒東岳以虛美超長懷以遐念若循環之無賜較面
朝之煥炳次後庭之猗靡壯當熊之忠勇深辭輦之明智衛
鬢髮以光鑒趙輕體之纖麗咸善立而聲流亦寵極而禍侈
津便門以右轉究吾境之所暨掩細柳而撫劔快孝文之命
帥周受命以忘身明戎政之果毅距華蓋於壘和案乘輿之
尊轡肅天威之臨顏率軍禮以長擅輕棘霸之兒戲重條侯
之倨貴索杜郵其焉在云孝里之前號惘輟駕而容與哀武
安以興悼爭伐趙以徇國定廟筭之勝負扞矢言而弗納反
推怨以歸咎未十里於遷路尋賜劔以刎首嗟主闇而臣嫉

禍於何而不有。窺秦墟於渭城。冀闕緬其堊。盡覓陛殿之餘。基裁岐岷。以隱嶙。想趙使之抱壁。瀏睨楹以抗憤。燕圖窮而荆發。紛絕袖而自引。筑聲厲而高奮。狙潛鈔以脫贖。據天位其若茲。亦狼狽而可愍。簡良人以自輔。謂斯忠而執賢。寄苛制於捐灰。矯扶蘇於朔邊。儒林填於坑。笄詩書。傷而為煙。國滅亡以斷後。身刑輟以啓先。商法焉得以宿黃。犬何可復牽。野蒲變而成脯。苑鹿化以為馬。假讒逆以天權。鉗眾口而寄坐。兵在頸而顧問。何不早而告我。願黔黎其誰聽。惟請死而獲可。逮子嬰之果決。敢討賊以紓禍。勢土崩而莫振。作降王於路左。蕭收圖以相對。料險易與眾寡。羽天與而弗取。冠沐猴而縱火。貫三光而洞九泉。會未足以喻其高下也。感市閭

之敢非歎尸韓之舊處。丞屬號而守闕。人百身以納贖。豈生命之易投。誠惠愛之洽著。訐望之以求直。亦余心之所惡。思夫人之政術。實幹時之良具。苟明法以釋憾。不愛才以成務。弘大體以高貴。非所望於蕭傅。造長山而慷慨。偉龍顏之英主。胷中豁其洞開。羣善湊而必舉。存威格乎天區。亡墳掘而莫禦。臨掩坎而累抃。步毀垣以延佇。越安陵而無譏。諒惠聲之寂寞。弔袁絲之正義。伏梁劔於東郭。訊景皇於陽丘。奚信譖而矜謔。殞吳嗣於局下。益發怒於一博。成七國之稱亂。翻助逆以誅錯。恨過聽而無討。茲沮善而勸惡。此孝元於涓坐。執奄尹以明貶。褒夫君之善行。廢園邑以崇儉。過延門而責成。忠何辜而為戮。陷社稷之王章。俛幽死而莫鞠。伏淫嬖之

凶忍勦皇統之孕育張舅氏之姦漸貽漢宗以傾覆刺哀主
於義域借天爵於高安欲法堯而承禪永終古而不刊瞰康
園之孤墳悲平后之專執歿厥父之篡逆蒙漢耻而不雪激
義誠而引決赴丹爛以明節投宮火而焦糜從灰燼而俱滅
鴛橫橋而旋軫歷故邑之南垂門磁石而梁木蘭兮構阿房
之屈竒疏南山以表闕倬樊川以激池役鬼傭其猶否矧人
力之所爲工徒斲而未息義兵紛以交馳宗祧汙而爲沼豈
斯宇之獨曠由僞新之九廟誇宗虞而祖黃驅吁嗟而妖隣
搜佞哀以拜郎誦六藝以飾紆焚詩書而面墻心不則於德
義雖異術而同亡宗孝宣於樂遊紹哀緒以中興不獲事於
敬養盡加隆於園陵兆惟奉明邑號千人訊諸故老造自帝

詢隱王母之非命縱聲樂以娛神雖靡率於舊典亦觀過而
知仁憑高望之陽隈體川陸之污隆開襟乎清暑之館遊目
乎五柞之宮交渠引漕激湍生風乃有昆明池乎其中其池
則湯湯汗汗滉漾瀾漫浩如河漢日月麗天出入乎東西且
似賜谷夕類虞淵昔豫章之名字披玄流而特起儀景星於
天漢列牛女以雙峙圖萬載而不傾奄摧落於十紀擢百尋
之層觀今數仞之餘趾振鷺于飛鳧躍鴻漸乘雲頡頏隨流
澹淡灩灩驚波啜啜菱芡葦蓮爛於綠沼青蕃蔚乎翠潏伊
茲池之肇穿肄水戰於荒服志勤遠以極武良無憂於後福
而菜蔬芼實水物惟錯乃有贍乎原陸在皇代而物上故毀
之而又復凡厥寮司旣富而教咸帥貧惰同整楫權收昏課

獲引繳舉效。鯨夫有室，愁民以樂。徒觀其鼓，柝迴綸灑。鈞投罔垂，餌出入挺。義來往織，經連白鳴。根厲響貫，鯢尾掣三牽。兩於是弛，青鯤於網。鉅解頽鯉，於黏微華。魴躍鱗素，鱖揚鬣雍人。縷切鑿刀，若飛應刃。落俎霍霍，霏霏紅鮮。紛其初載，賓旅竦而遲御。既餐服以屬厭，泊恬靜以無欲。迴小人之腹，爲君子之慮。爾乃端策拂茵，彈冠振衣。徘徊鄴鎬，如渴如飢。心翹慙以仰止，不加敬而自祗。豈三聖之敢夢，竊十亂之或希。經始靈臺，成之不日。惟鄴及鄆，仍京其室。庶人子來，神降之吉。積德延祚，莫貳其一。永惟此邦，云誰之識。越可略聞，而難臻其極。子贏鉞以借父訓，秦法而著色。耕讓畔以閑田，沾姬化而生棘。蘇張喜而詐騁，虞芮愧而訟息。由此觀之，士無常俗而教有定式。上之遷下，猶鈞之埏埴。雖五方雜會，風流溷淆。惰農好利，不昏作勞。密邇獫狁，戎馬生郊。而制者必割實存，操刀人之升降。隨政隆替，仗信則莫不用情。無欲則賞之不竊，雖智不能理明。不能察信，此心也。庶免夫戾如其禮樂，以俟來哲。

